

七十家賦鈔

賦鈔卷五

首十一家二十二篇

向秀一篇

張華二篇

木華一篇

陸機

一篇

左思三篇

潘岳八篇

摯虞一篇

篇

郭璞一篇

孫綽一篇

何秀思舊賦

并序文選

子期以嵇呂之誅危懼入洛返役作此悼嵇呂實自感也何義門云不容太露故為辭止此晉人文尤不易及也

余與嵇康呂安居止接近其人竝有不羈之才然嵇志遠

而疏

晉書無然字

呂心曠而放其後各以事見法嵇博綜技藝

於絲竹特妙臨當就命顧視日影索琴而彈之余逝將西

邁

晉書無余字

經其舊廬於時日薄虞淵寒冰淒然鄰人有吹

笛者發聲寥亮追思曩昔游宴之好感音而嘆故作賦云

晉書
作日

將命適於遠京今遂旋反而晉書北徂濟黃河以汎舟今

經山陽之舊居瞻曠野之蕭條兮息余駕乎城隅踐二子

之遺跡兮歷窮巷之空廬歎黍離之愍周兮悲麥秀於殷

墟惟古昔以懷今兮晉書惟古心徘徊以躊躇何云使晉

子其天枉乎當陳留之多經山陽之國其猶宗周既滅追

思殷亡倒用麥秀黍離非無為也曰懷今則所感不獨嵇

已而棟宇存晉書而弗毀兮形神逝其焉如晉李斯之受

罪兮歎黃犬而長吟悼嵇生之永辭兮顧日影而彈琴託

運遇於領會兮運遇領會謂國運寄餘命於寸陰聽鳴笛

之懷慨兮妙聲絕而復尋停晉書駕言其將邁兮晉書遂晉書

援翰而寫心晉書而寫

張華鷦鷯賦

并序晉書曰華初未知名著鷦鷯賦以自寄其詞曰鷦鷯晉書云華為太常博士轉

兼中書郎雖處雲閣慨然有感作鵠鵲賦於文意爲合今晉書非也

文選

鵠鵲小鳥也生於蒿萊之間長於籬藩之下翔集尋常之內而生生之理足矣色淺體陋不爲人用形微處卑物莫之害繁滋族類樂居匹游翩翩然有以自樂也彼鷺鷥鵲鴻孔雀翡翠或凌赤霄之際或託絕垠之外翰率足以冲天觜距足以自衛然皆負綰纓繳羽毛八貢何者有用於人也夫言有賤而可以託深類有微而可以喻大故賦之云爾

晉書不載

何造化之多端兮播羣形於萬類惟鵠鵲之微禽兮

晉書無二

字亦攝生而受氣育翩翩之陋體無元黃以自貴毛弗施

於器用肉弗登於

晉書作肉不登乎

俎味鷹鵲過猶俄翼尙何懼

於罽罽翳蒼蒙籠是焉游集飛不飄颻翔不翕習其居易容其求易給巢林不過一枝每食不過數粒栖無所滯游

無所盤匪陋荆棘匪榮茝蘭動翼而逸投足而安委命順

理與物無患伊茲禽之無知何晉書作而處身之似智不懷寶

以賈害不飾表以招累靜守約晉書作性而不矜動因循以簡

易任自然以爲資無誘慕於世僞鴈鵠介其背距鵠鷺軼

於雲際鵠雞竄於幽險孔翠生乎遐裔彼晨鳥與歸雁又

矯翼而增逝咸美羽而豐肌故無罪而皆斃徒銜蘆以避

繳終爲戮於此世蒼鷹鷂而受繼鸚鵡惠晉書作諶而八籠屈

猛志以服養塊幽繫於九重變音聲以順旨思摧翮而爲

庸戀鍾岱之林野慕隴坻之高松雖蒙幸於今日未若疇

昔之從容海鳥鷁鷁避風而至條枝巨雀踰嶺自致提挈

萬里飄飄逼畏夫惟體大妨物而形瓌足瑋也陰陽陶蒸

萬品一區巨細舛錯種繁類殊鷁鷁巢於蚊睫大鵬彌於

晉書作乎天隅將以上方不足而下比有餘晉天壤以晉書作而退

觀吾又安知大小之所如

張華歸田賦

隨陰陽之開闔從時宜以卷舒冬與處以城邑春游放於
田廬歸郊廓之舊里託言靜以閒居育草木之藹蔚因地
勢之邱墟豐蔬果之林錯茂桑麻之紛敷用天道以取資
行藥物以爲娛時逍遙於洛濱聊相伴以縱意目白沙與
積礫翫衆卉之同異揚素波以濯足沂清澗以蕩思低徊
往留棲遲菴謁存神忽微游精域外藉纖草以爲茵援垂
陰以爲蓋瞻高鳥之凌風臨儵魚於清瀨眇萬物而遠觀
修自然之通會以退足於一壑故處否而忘泰

木華海賦

文選○○

俞甯世云海非鋪陳可盡首尾突兀渾淪正其無盡之
藏翰林論以爲未成而然非妙解者

昔在帝媯臣唐之代天禍淳湑爲洞爲瘵洪濤濶汗萬里
無際長波溶漣池涎入裔於是平禹也乃鏟臨崖之阜陸
決陂潢而相拔啓龍門之窄嶺塞陵閭而斬鑿羣山旣略
百川潛滌決滌滄汭騰波超勢江河旣導萬穴俱流倚拔
五嶽竭涸九州漉滴滲淫蒼蔚雲霧涓流決泮莫不來注
於廓靈海長爲委輸其爲廣也其爲怪也宜其爲大也爾
其爲狀也則乃攸濤激濫浮天無岸泙融沆瀣渺瀰漫漫
波如連山乍合乍散噓吸百川洗滌淮漢襄陵廣寫滂濤
浩汗若乃大明撫轡於金樞之穴翔陽逸駭於扶桑之津
影沙碧石蕩颶島濱於是鼓怒溢浪揚浮更相觸搏飛沫
起濤狀如天輪膠戾而激轉又似地軸挺拔而爭迴岑嶺
飛騰而反覆五嶽鼓舞而相礎澗瀆淪而瀦潔鬱洑迭而
隆頽盤盪激而成窟涌涌滂滂而爲魁沱泊泊而也颺磊磊

勾。而。相。底。驚。浪。雷。奔。駭。水。迸。集。開。合。解。會。灤。灤。溼。溼。葩。華。
跟。扭。湏。湏。漶。漶。若。乃。霾。墮。潛。銷。莫。振。莫。竦。輕。塵。不。飛。纖。羅。
不。動。猶。尙。呀。呬。餘。波。獨。湧。澎。澎。澎。澎。礧。礧。礧。礧。山。壘。雨。其。枝。岐。
潭。淪。渤。蕩。成。汜。乖。蠻。隔。夷。迴。互。萬。里。若。乃。偏。荒。速。吉。王。命。
急。宣。飛。駿。鼓。楫。汎。海。凌。山。於。是。候。勁。風。揭。百。尺。維。長。綯。挂。
帆。席。望。濤。遠。決。罔。然。鳥。逝。鵠。如。驚。鳧。之。失。侶。鱗。如。六。龍。之。
所。掣。一。越。三。千。不。終。朝。而。濟。所。屆。若。其。負。穢。臨。深。虛。誓。愆。
所。則。有。海。童。邀。路。馬。銜。當。蹊。天。吳。乍。見。而。髣。髴。蜩。像。暫。曉。
而。閃。屍。羣。妖。遶。迂。眇。臨。冶。夷。決。帆。摧。撞。戕。風。起。惡。廓。如。靈。
變。惚。恍。幽。暮。氣。似。天。霄。駭。鬩。雲。布。靄。昱。絕。電。百。色。妖。露。呵。
嗽。掩。鬱。曖。曖。無。度。非。滂。相。疎。激。勢。相。沕。崩。雲。屑。雨。沍。沍。汨。
汨。跣。踣。湛。灤。沸。潰。淪。溢。濯。汴。獲。渭。蕩。雲。沃。日。於。是。舟。人。漁。
子。徂。南。極。東。或。肩。沒。於。鼉。鼉。之。穴。或。挂。罾。於。岑。嶽。之。峯。或。

掣掣洩洩於裸人之國或汎汎悠悠於黑齒之邦或乃萍
流而浮轉或因歸風以自反徒譏觀怪之多駭乃不悟所
歷之近遠爾其爲大量也則南瀕朱崖北灑天虛東演析
木西薄青徐經途纓溟萬萬有餘吐雲霓含龍魚隱鯢鱗
潛靈居豈徒積太顛之寶貝與隋侯之明珠將世之所收
者常聞所未名者若無且希世之所聞惡審其名故可仿
像其色襲襲其形爾其水府之內極深之庭則有崇島巨
壑崕峴孤亭擘洪波指太清竭磐石擣百靈颺凱風而南
逝廣莫至而北征其垠則有天琛水怪蛟人之室瑕石詭
暉鱗甲異質若乃雲錦散文於沙汭之際綾羅被光於螺
蚌之節繁采揚華萬色隱鮮陽冰不治陰火潛然燿炭重
燭吹炯九泉朱熖綠煙曖眇蟬蛸珊瑚琥珀羣產接連車
渠馬瑙全積如山魚則橫海之鯨突抗孤游戛巖窟偃高

濤如鱗甲吞龍舟喻波則洪漣跋踰吹滂則百川倒流或
乃踰躋窮波陸死鹽田巨鱗插雲鬣刺天顛骨成嶽流
膏爲淵若乃巖坻之隈沙石之欹毛翼產穀剖卵成禽鳬
雛離雛鶴子淋瀝羣飛侶浴戲廣浮深翔霧連軒洩洩淫
淫翻動成雷擾翰爲林更相叫嘯詭色殊音若乃三光旣
清天地融朗不汎陽侯乘躋絕往覲安期於蓬萊見喬山
之帝像羣僊縹渺餐玉清涯履阜鄉之留鳥被羽翮之穆
纏翔天沼戲窮溟甄有形於無欲永悠悠以長生且其爲
器也包乾之奧括坤之區惟神是宅亦祇是廬何奇不有
何怪不儲茫。茫。積。流。含。形。內。虛。曠。哉。坎。德。卑。以。自。居。宏。往。
納。來。以。宗。以。都。品。物。類。生。何。有。何。無。

陸機文賦

并序

余每觀才士之所作竊有以得其用心夫放言遣辭良多

變矣妍蚩好惡可得而言每自屬文尤見其情恆串意不稱物文不逮意蓋非知之難能之難也故作文賦以述先士之盛藻因論作文之利害所由他日殆可謂曲盡其妙謂庶幾他日之可盛妙李善注未是至於操斧伐柯雖取則不遠若夫隨手之變良難以辭逮蓋所能言者具於此云

佇中區以元覽願情志於典墳遵四時以歎逝瞻萬物而思紛悲落葉於勁秋喜柔條於芳春心凜凜以懷霜志眇眇而臨雲詠世德之駿烈誦先人之清芬游文章之林府嘉麗藻之彬彬慨投篇而援筆聊宣之乎斯文其始也皆收視反聽耽思傷詆精驚入極心游萬仞其致也情瞳矐而彌鮮物昭晰而互進傾羣言之瀝液漱六藝之芳潤浮天淵以安流濯下泉而潛浸於是沈辭怫悅若游魚銜鉤而出重淵之深浮藻聯翩若翰鳥纓繳而墜曾雲之峻收

百世之闕。又採千載之遺韻。謝朝華於已披。啓夕秀於未
振。觀古今之須臾。撫四海於一瞬。然後選義按部。考辭就
玃。抱景者咸叩。懷響者畢彈。或因枝以振葉。或沿波而討
源。或木隱以之顯。或求易而得難。或虎變而獸擾。或龍見
而鳥瀾。或妥帖而易施。或咀嚙而不安。罄澄心以凝思。眇
衆慮而爲言。籠天地於形內。挫萬物於筆端。始踟躕於燥
吻。終流離於濡翰。理扶質以立幹。文垂條而結繁。信情貌
之不差。故每變而在顏。思涉樂其必笑。方言哀而已歎。或
操觚以率爾。或含毫而邈然。伊茲事之可樂。固聖賢之所
欽。課虛無以責有。叩寂寞而求音。函詠逮於尺素。吐瀉沛
乎寸心。言恢之而彌廣。思按之而愈深。播芳蕤之馥馥。發
青條之森森。榮風飛而焱豎。鬱雲起乎翰林。體有萬殊。物
無二量。紛紜揮霍。形難爲狀。辭程才以效伎。意司契而爲

匠在有無而飽俛當淺深而不讓雖離方而遜員期窮形而盡相故夫夸目者尙奢慙心者貴當言窮者無隘論達者唯曠詩緣情而綺靡賦體物而瀏亮碑披文以相質誄纏綿而悽愴銘博約而溫潤箴頓挫而清壯頌優游以彬蔚論精微而卽暢奏平徹以閑雅說煒燁而譎詭雖區分之在茲亦禁邪而制放要辭達而理舉故無取乎冗長其爲物也多姿其爲體也屢遷其會意也尙巧其遺言也貴妍暨音聲之迭代若五色之相宜雖逝止之無常固崎嶇而難便苟達變而識次猶開流以納泉如失機而後會恆操末以續顛謬元黃之秩敘故洪認而不鮮或叩逼於先條或俯侵於後章或辭害而理比或言順而意妨離之則雙美合之則兩傷考最於錙銖定去留於豪芒苟銓衡之所裁固應繩其必當或文繁理富而意不指適極無兩

致盡不可益立片言而居要乃一篇之警策雖衆辭之有
條必待茲而效績亮功多而累寡故取足而不易或藻思
綺合清麗千眠炳若綉繡悽若繁絃必所擬之不殊乃閤
合乎曩篇雖杼柚於子懷怵他人之我先苟傷廉而愆義
亦雖愛而必捐或者發穎豎離衆絕致形不可逐響難爲
係塊孤立而特峙非常音之所緯心牢落而無偶意徘徊
而不能捕石韞玉而山輝水懷珠而川媚彼榛楛之勿剪
亦蒙榮於集翠綴下里於白雪吾亦濟夫所偉或託言於
短韻對窮迹而孤興俯寂寞而無友仰寥廓而莫承譬偏
絃之獨張含清唱而靡應或寄辭於瘁音言徒靡而弗華
混妍蚩而成體累良質而爲瑕象下管之偏疾故雖應而
不和或遺理以存異徒尋虛而逐微言寡情而鮮愛辭浮
漂而不歸猶絃幺而徽急故雖和而不悲或奔放以諸合

務嘈囋而妖冶徒悅目而偶俗固高聲而曲下寤防露與
桑閒又雖悲而不雅或清虛以婉約每除煩而去濫闕大
羹之遺味同朱絃之清汜雖一唱而三歎固既雅而不豔
若夫豐約之裁俯仰之形因宜適變曲有微情或言拙而
喻巧或理樸而辭輕或襲故而彌新或沿濁而更清或覽
之而必察或研之而後精譬猶舞者赴節以投袂歌者應
絃而遣聲是蓋輪扁所不得言故亦非華說之所能精普
辭條與文律良余膺之所服練世情之常尤識前修之所
淑雖薄發於巧心或受歎於拙目彼瓊敷與玉藻若中原
之有莠同橐籥之罔窮與天地乎竝育雖紛藹於此世嗟
不盈於予拙患挈瓶之屢空病昌言之難屬故蹉跎於短
韻放庸音以足曲恆遺恨以終篇豈懷盈而自足懼蒙塵
於叩缶願取笑乎鳴玉若夫應感之會通塞之紀來不可

過去不可止、藏若景、滅行猶響、起方天機之駿利、夫何紛
而不理、思風發於胸臆、言泉流於唇齒、紛葳蕤以馭、逡唯
豪素之所擬、文徽徽以溢目、音泠泠而盈耳、及其六情底
滯、志往神留、兀若枯木、豁若涸流、攬營魂以探蹟、頓精爽
於自求、理翳翳而愈伏、思乙乙其若抽、是以或竭情而多
悔、或率意而寡尤、雖茲物之在我、非余力之所勦、故時撫
空懷而自惋、吾未識夫開塞之所由、伊茲文之爲用、固衆
理之所因、恢萬里而無闕、通億載而爲津、俯貽則於來葉、
仰觀象乎古人、濟文武於將墜、宣風聲於不泯、塗無遠而
不隔、理無微而弗綸、配霑潤於雲雨、象變化乎鬼神、被金
石而德廣、流管絃而日新

陸機歎逝賦

并序
文選

昔每聞長老追計平生、同時親故、或凋落已盡、或僅有存

者余年方四十而懿親戚屬亡多存寡昵交密友亦不半
在或所曾共游一塗同宴一室十年之外索然已盡以是
思哀哀可知矣乃作賦曰

伊天地之運流紛升降而相襲日望空以駿驅節循虛而
警立嗟人生之短期孰長年之能執時飄忽其不再老晚
晚其將及懟瓊藥之無徵恨朝霞之難挹望湯谷以企予
惜此景之屢最悲夫川閱水以成川水滔滔而日度世閱
人而爲世人冉冉而行暮人何世而弗新世何人之能故
世所共賞愚爲不喜此調野每春其必華草無朝而遺露經終古而常
然率品物其如素譬日及之在條恆雖盡而弗寤雖不寤
其可悲心惘焉而自傷亮造化之若茲吾安取夫久長痛
靈根之夙隕怨具彌之多喪悼堂構之隕瘁愆城闕之邱
荒親彌懿其已逝交何戚而不忘咨余今之方殆何視天

之芒芒傷懷悽其多念戚貌瘁而眇歡幽情發而成緒滯
思叩而興端慘此世之無樂詠在昔而爲言居充堂而衍
牢行連駕而比軒彌年時其詎幾夫何往而不殘或異貌
而旣盡或寥廓而僅半信松茂而柏悅嗟芝焚而蕙歎苟
性命之弗殊豈同波而異瀾瞻前軌之旣覆知此路之良
難啓四體而深悼懼茲形之將然毒娛情而寡方怨感目
之多顏諒多顏之感目神何適而獲怡尋平生於響像覽
前物而懷之步寒林以悽惻翫春翹而有思觸萬類以生
悲歎同節而異時年彌往而念廣塗薄暮而意迕親落落
而日稀友靡靡而愈素願舊要於遺存得十一於千百樂
墮心其如忘哀緣情而來宅託末契於後生余將老而爲
客然後弭節安懷然後二妙思天造精浮神淪忽在世表
寤大暮之同寐何矜晚以怨早指彼目之方除豈茲情之

足攪感秋華於衰木
瘁零露於豐草
在殷憂而弗違
夫何云乎
識道將頤天地之大德
遺聖人之洪寶
解心累於未迹
聊優游以娛老

陸雲歲暮賦

余祇役京邑
載離永久
永甯二年春
忝寵北郡
其夏又轉大將軍右司馬
於鄴都
自去故鄉
荏苒六年
惟姑與姊仍見背
棄銜痛萬里哀思傷毒而日月逝速
歲聿云暮
感萬物之旣改
瞻天地而傷懷
乃作賦以言情焉

夫何乾行之變通
兮昏明迭而載路
羨飛轡之遠御
兮騰六龍於天步
時赴節而漸流
兮氣移數而改度
揮促節於短日
兮振修策於長夜
運悠悠其旣周
兮歲冉冉而告暮
變棘心之柔風
兮滋豐草之湛露
元暉邈以峻服
兮黃裳皓而振素
於是顓頊御時
元冥統官
天廟旣底
日月貞觀

論重陽於潛戶兮嚴積陰於司寒日回天以減景兮賤衝
淵而無瀾堅冰涸於川底兮白雪隕於雲端普區宇之瘁
景兮頻萬物之衰顏時凜戾其可悲兮氣蕭索以傷心淒
風愴其鳴條兮初學記無此字落葉翻而灑林獸藏邱而絕迹兮
鳥攀木而栖音山振枯於曾嶺兮人懷慘於重襟寒與暑
其代謝兮年冉冉其將老豐顏瞿而朝榮兮元髮粲其夕
皓感芳華之志學兮悲時暮而難考遠圖逝而辭懷兮密
思集而盈抱羨厚德之溥載兮嘉豐化之大造恨盛來之
苦晏兮悲哀至之常蚤指晞露而怵心兮衍死生於靡草
蒙時來之嘉運兮游上京而凱人委棄輅於紫宮兮剖金
虎而底邑憑台光之發暉兮荷寵靈而來集望故疇之迴
遼兮涉南風而積泣長歎息而永懷兮感逝物而傷悲哀
年歲之攸往兮伊行人之思歸結隆恩於朝日兮綴永念

於祀暉表寸陰而貞吝兮盼盈尺其若遺嗟我行之久永
兮何歸途之茫茫遵渚兮眇川攸逝兮江湘處孝敬於神
邱兮結祇慕於惟桑瞻山川而物存兮思六親而人亡問
仁姑而背世兮及伯姊而淪喪尋餘蹤於空宇兮想絕景
於遺堂悲山林之杳藹兮痛華構之邱荒靖深情以遐慕
兮思纏綿而懷楚涕垂頤以交殯兮哀凌心而洞駭神尋
路而窘逝兮形壘感乎其所心悠悠其若懸兮音既絕而
復舉悲人生之有終兮何天造而罔極仰悲谷之方中兮
顧懸車而日昃百年迅於分噓兮千歲疾於一息詠大椿
之萬祀兮同蟪蛄於未識淺難停而易逝兮情艱多而泰
寡年有來而棄子兮時無算而非我祇生心於日順兮雖
呼翕其難假攝貳生於逆旅兮欲淹留其焉可彼鑒寐之
有時兮亦始卒之固然舒遠懷於千載兮悵同感乎牛山

鑒通人之炯戒兮懼晏平之達言啓貞心以自責兮覽遺籍而問道亮爽鳩之既徂兮故營邱之有紹在吾俗之陋心兮豈取樂於東表苟長生而自得兮將奚待而有天考大德於天地兮知斯言之益矯

左思三都賦

并序
文選

蓋詩有六義焉其二曰賦揚雄曰詩人之賦麗以則班固曰賦者古詩之流也先王采焉以觀土風見綠竹猗猗則知衛地淇澳之產見在其板屋則知秦野西戎之宅故能居然而辨八方然相如賦上林而引盧橘夏熟揚雄賦甘泉而陳玉樹青蔥班固賦西都而歎以出比目張衡賦西京而述以游海若假稱珍怪以爲潤色若斯之類匪啻於茲考之果木則生非其壤校之神物則出非其所於辭則易爲藻飾於義則虛而無徵且夫玉卮無當雖寶非用侈

言無驗雖麗非經而論者莫不詆訐其研精作者太氏舉
爲憲章積習生常有自來矣余旣思摹二京而賦三都其
山川城邑則稽之地圖其鳥獸草木則驗之方志風謠歌
舞各附其俗魁梧長者莫非其舊何則發言爲詩者詠其
所志也升高能賦者頌其所見也美物者貴依其本讀事
者宜本其實匪本匪實覽者奚信且夫任土作貢虞書所
著辨物居方周易所慎聊舉其一隅攝其體統歸諸詒訓
焉

蜀都賦

蜀都純用子雲賦只將彼賦比看便見今古之殊

有西蜀公子者言於東吳王孫曰蓋聞天以日月爲網地
以四海爲紀九土星分萬國錯峙峻函有帝皇之宅河洛
爲王者之里吾子豈亦曾聞蜀都之事與請爲左右揚推

而陳之夫蜀都者蓋兆基於上世開國於中古廓靈關以爲門包玉壘而爲宇帶二江之雙流抗峨眉之重阻水陸所湊兼六合而交會焉豐蔚所盛茂八區而菴藹焉於前則踰躡健牂枕騎交趾經途所五五千餘里山阜相屬含谿懷谷岡巒糾紛觸石吐雲鬱蒼蓋以翠微崛巍巍以峨峨于青霄而秀出舒丹氣而爲霞龍池瀉瀑噴其隈漏江伏流噴其阿汨若湯谷之揚濤沛若濛汜之涌波於是乎卍竹緣嶺菌桂臨崖翦挺龍目側生荔枝布綠葉之萋萋結朱實之離離迎隆冬而不凋常晷晷以猗猗孔翠羣翔犀象競馳白雉朝雛猩猩夜啼金馬騁光而絕景碧雞儵忽而曜儀火井沉熒於幽泉高燭飛煽於天垂其間則有琥珀丹青江珠琅英金沙銀燄符彩彪炳暉麗灼爍於後則却背華容北指崑崙緣以劍閣阻以石門流漢湯湯驚

浪雷奔望之天迴卽之雲昏水物殊品鱗介異族或藏蛟
螭或隱碧玉嘉魚出於丙穴良木攢於褒谷其樹則有木
蘭侵桂杞櫛椅桐櫻枏楔從梗楠幽藹於谷底松柏蒼鬱
於山峯擢修幹竦長條肩飛雲拂輕霄羲和假道於岐岐
陽烏迴翼乎高標巢居棲翔聿兼鄧林穴宅奇獸巢宿異
禽熊羆咆其陽鵬鷃鳴其陰猿猱騰希而競捷虎豹長嘯
而永吟於東則左縣巴中百嶺所充外負銅梁於宕渠內
函要害於膏腴其中則有巴菽巴戟靈壽桃枝焚以菹圃
濱以鹽池蚶蜊山棲龜水處潛龍蟠於沮澤應鳴鼓而
興雨丹沙絳熾出其坂蜜房郁觥被其阜山圖采而得道
赤斧服而不朽若乃剛悍生其方風謠尙其武奮之則賓
旅翫之則渝舞銳氣剽於中葉躋容世於樂府於西則右
挾岷山涌瀆發川陪以白狼夷歌成章垌野草昧林麓黜

儵交讓所植蹲鴟所伏百藥灌叢寒卉冬馥異類衆夥於
何不育其中則有青珠黃環碧簪芒消或豐綠萸或蕃丹
椒蘼蕪布濩於中阿風連延蔓於蘭皋紅葩紫飾柯葉漸
苞敷藻葳蕤落英飄緇神農是嘗盧跖是料芳追氣邪味
蠲癘瘠其封域之內則有原隰墳衍通望彌博演以潛洙
浸以縣雒溝洫脈散疆里綺錯黍稷油油梗稻莫莫指渠
口以爲雲門灑漈池而爲滄澤雖星畢之滂沱尙未齊其
膏液爾乃邑居隱賑夾江傍山棟宇相望桑梓接連家有
鹽泉之井戶有橘柚之園其園則有林檎枇杷橙柚棗棣
梔桃函列梅李羅生百果甲宅異色同榮朱櫻春熟素柰
夏成若乃大火流涼風厲白露凝微霜結紫梨津潤櫞栗
罇發蒲陶亂潰石榴競裂甘至自零芬芳酷烈其園則有
蒟蒻茱萸瓜疇芋區甘蔗辛薑陽蒞陰敷日往菲微月來

扶疏任土所麗衆獻而儲其沃濤則有攢蔣叢蒲綠菱紅蓮雜以蘊藻粲以蘋蘩總莖柅柅裏葉蓊蓊實時味王公羞焉其中則有鴻雉鵠侶振鷺鵠鵠晨鳬且至候鴈銜蘆木落南翔冰泮北徂雲飛水宿哢吭清渠其深則有白龍命鼈元獺上祭鱣鮪鱗魴鯢鱖差鱗次色錦質報章躍濤戲獺中流相忘於是乎金城石郭兼市中區旣麗且崇實號成都關二九之通門畫方軌之廣塗營新宮於爽塏擬承明而起廬結陽城之延閣飛觀榭乎雲中開高軒以臨山列綺窗而瞰江內則議殿爵堂武義虎威宣化之闥崇禮之闈華閣雙邈重門洞開金鋪交映玉題相暉外則軌躅入達里閭對出比屋連營千廡萬屋六臣作室亦有甲第當衢向術壇宇顯敞高門納駟庭扣鐘磬堂撫琴瑟匪葛匪姜疇能是恤亞以少城接乎其西南廛所會萬商

之源列隊百重羅肆巨千賄貨山積纖麗星繁都人士女
袷服靚粧賈貿埽鬻舛錯縱橫異物崛詭奇於八方布有
幢華麁有桃榔叩杖傳節於大夏之邑茹醫流味於番禺
之鄉輿輦雜沓冠帶混并累轂疊跡叛衍相傾誼諱鼎沸
則噉聒宇宙囂塵張天則埃壒曜靈闐闐之裏伎巧之家
百室離房機杼相和貝錦斐成渥色江波黃潤比箇簞金
所過侈侈隆富卓犖埒名公擅山川貨殖私庭藏鏹巨萬
鉅規兼呈亦以財雄翕習邊城三蜀之豪時來時往養交
都邑結儔附黨劇談戲論扼腕抵掌出則連騎歸從百兩
若其舊俗終冬始春吉日良辰置酒高堂以御嘉賓金鼎
中坐肴餚四陳觴以清醪鮮以紫鱗羽爵既競絲竹乃發
巴姬彈弦漢女擊節起西音於促柱歌江上之飄厲紆長
袖而屢舞翩躚躑躑以裔裔合樽促席引滿相罰樂飲今夕

一醉累月若夫王孫之屬郤公之倫從禽於外巷無居人
並乘驥子俱服魚文元黃異校結駟續紛西踰金隄東越
王津朔別期晦匪日匪旬蹢躅蒙龍涉躡寥廓鷹犬儵眎
爵羅絡慕毛羣陸離羽族紛泊翕轡揮霍中綱林薄屠麋
麋剪旄塵帶文蛇跨彫虎志未騁時欲晚追輕翼赴絕遠
出彭門之闕馳九折之坂經三峽之崢嶸躡五岷之蹇澹
乾食鐵之獸射噬毒之鹿注云當角拍羆氓於萋草彈言鳥
於森木攷象齒戾犀角鳥鍛翮獸廢足殆而竭來相與第加
滇池集於江州試水客艤輕舟娉江婁與神游翥翡翠釣
鯁鮒下高鵠出潛蚪吹洞簫發樅謳感鱗魚動陽侯騰波
沸涌珠貝汜浮若雲漢含星而光耀洪流將饗獠者張帝
幕會平原酌清醕割芳鮮飲御酣賓旅旋車馬雷駭轟轟
闐闐若風流雨散漫乎數百里之間斯蓋宅土之所安樂

觀聽之所踴躍也焉獨三川爲世朝市若乃卓犖奇譎侗儻罔已一經神怪一緯人理遠則岷山之精上爲井絡天帝運期而會昌景福屏蠶而興作碧出萇宏之血鳥生杜宇之魄妄變化而非常嗟見偉於疇昔近則江漢炳靈世載其英蔚若相如惻若君平王駿韓暉而秀發揚雄含章而挺生幽思綢道德摘藻揆天庭考四海而爲舊當中葉而擅名是故游談者以爲譽造作者以爲程也至乎臨谷爲塞因山爲障峻岨勝埒長城豁險吞若巨防一人守隘萬夫莫向公孫躍馬而稱帝劉宗下輦而自王由此言之天下孰尙故雖兼諸夏之富有猶未若茲都之無量也

吳都賦

何義門曰此篇似擬上林而尤爲寡要

東吳王孫毓然而哈曰夫上圖景宿辨於天文者也下料

物土析於地理者也古先帝代曾覽八紘之洪緒一六合而光宅翔集遐宇鳥策篆素玉牒石記烏聞梁岷有陟方之館行宮之基歟而吾子言蜀都之富禺同之有璋其區域美其林藪矜巴漢之阻則以爲襲險之右徇蹲鴟之沃則以爲世濟陽九齟齬而算固亦出土之所歎也旁魄而論都抑非大人之壯觀也何則土壤不足以攝生山川不足以周衛公孫國之而破諸葛家之而滅茲乃器亂之邱墟顛覆之軌轍安可以儼王公而著風烈也旣其磧礫而不窺玉淵者未知驪龍之所蟠也習其樊邑而不覩上邦者未知英雄之所躔也子獨未聞大吳之巨麗乎且有吳之開國也造自太伯宣於延陵蓋端委之所彰高節之所興建至德以創洪業世無得而顯稱由克讓以立風俗輕脫躡於千彙若率土而論都則非列國之所觐望也故其

經略上當星紀拓土畫疆卓犖兼井包括于越跨躡蠻荆
婺女寄其曜翼軫寓其精指衡岳以鎮野且龍川而帶垺
爾其山澤則崑崙疑燒岬嶢嶢嶢嶢嶢嶢嶢嶢嶢嶢嶢嶢
涌川而開瀆或吞江而納漢硨磲硨磲硨磲硨磲硨磲硨磲
數州之間灌注乎天下之半百川派別歸海而會控清引
濁混濤并瀨瀨薄沸騰寂寥長邁溟焉洶洶隱焉磴磴出
乎大荒之中行乎東極之外經扶桑之中林包湯谷之源
沛潮波汨起迴復萬里歔霧淫淳雲蒸昏昧淵澄齋濤傾
滂沆瀣莫測其深莫究其廣儼恬漠而無涯忽有流而爲
長環異之所叢育鱗甲之所集往於是乎長鯨吞航修鯢
吐浪躍龍騰蛇蛟鰐琵琶王鮪鯨鮐鮑龜鰓鰒烏賊擁劍
龜鼈鯖鰐涵泳乎其中葺鱗饅甲詭類舛錯汭洄順流噴
鳴沈浮鳥則鵲鷁鷗鷺鷓鴣鷓鴣鷓鴣鷓鴣鷓鴣鷓鴣鷓鴣

邱黃綠山岳之昂鷖歷江海之流杙白帝衛朱紉鬱兮茂
茂睦兮菲菲光色炫晃芬馥肝嚮職貢納其包匭離騷詠
其宿莽木則楓柳楸章枙欄枸根縣杭杙櫨文檣檣樞平
仲君遷松梓古度楠榴之木相思之樹宗生高岡族茂幽
阜握本于尋垂蔭萬畝攢柯挈莖重葩苑葉輪囷叫蟠壅
塢鱗接榮色雜糅縹緲繡宵露霍霽旭日晦時與風颭
颭颭颭颭颭鳴條律暢飛音響亮益象琴筑并奏笙竽俱
唱其上則援父哀吟揮子長嘯欬饒裸然騰遶飛超爭接
縣垂兢游遠枝驚透湧亂牢落暈散其下則有梟羊麋狼
狎獮獮象烏菟之族犀兕之黨鉤爪鋸牙自成鋒穎精若
靡星聲若雷霆名載於山經形鏤於夏鼎其竹則篴管篠
簞桂箭別筒柚栝有篁篁篁有叢苞筍抽節往往紫結綠
葉翠莖冒霜停雪櫛蠹森萃蔚茸蕭瑟檀欒欒蟬蛸玉潤碧

鮮梢雲無以喻嶢谷弗能連鸞鸞食其實鵲雛擾其間其
果則丹橘餘甘荔枝之林檎椰無柯桄葉無陰龍眼橄欖
探榴禦霜結根比景之陰列挺衡山之陽素華斐丹秀芳
臨青壁系紫房鷓鴣南翥而中留孔雀綵羽以翱翔山雞
歸飛而來棲翡翠列巢以重行其琛賈則琨瑤之阜銅錯
之垠火齊之寶駭雜之珍蒔丹明璣金華銀樸紫貝流黃
縹碧素玉隱脈歲髮雜插幽屏精曜潛頽碧岑山谷倚岸
爲之不枯林木爲之潤黠隋侯於是鄙其夜光宋王於是
陋其結綵其荒陬謫詭則有龍穴內蒸雲雨所儲陵鯉若
橫浮石若桴雙則比目片則王餘窮陸飲木極沈水居泉
室潛織而卷綃淵客慷慨而泣珠開比戶以向日齊南冥
於幽都其四野則吟嘖無數膏腴兼倍原隰殊品宏隆異
等象耕鳥耘此之自與稻秀菰穗於是乎在煮海爲鹽採

山鑄錢國稅再熟之稻鄉貢八蠶之絲徒觀其郊遂之內
與都邑之綱紀霸王之所根柢開國之所基趾郭郭周匝
重城結隅通門二八水道陸衢所以經始川累千祀憲紫
宮以營室廓廣庭之漫漫寒暑隔閼於邃宇虹蜺回帶於
雲館所以跨時煥炳萬里也造姑蘇之高臺臨四遠而特
建帶朝夕之濬池佩長洲之茂苑窺東山之府則瓊寶溢
目觀海陵之倉則紅粟流行起寢廟於武昌作離宮於建
業闢闔閭之所營采夫差之遺法抗神龍之華殿施榮楯
而健獵崇臨海之崔巍飾赤烏之曄曄東西膠葛南北崢
嶸房櫳對櫺連閣相經閣闔譎詭異出奇名左稱彎右
號臨剛彫鏤鏤案青瑱丹楹圖以雲氣畫以僊靈雖茲宅
之夸麗曾未足以少甯思此屋於傾宮畢結瑤而構瓊高
闈有開洞門方軌朱闕雙立馳道如砥樹以青槐互以綠

水元陸眈眈清流疊疊列寺七里俠棟陽路屯營櫛比解
署茶布橫塘查下邑屋隆夸長于延屬飛甍舛互其居則
高門鼎貴魁岸豪傑虞魏之昆顧陸之裔岐嶷繼體老成
奕世躍馬疊跡朱輪累轍陳兵而歸蘭綺內設冠蓋雲陰
閭闔闐闐其鄰則有任俠之靡輕紗之客締交翩翩儻從
奕奕出躡珠履動以千百里譙巷飲飛觴舉白翹關扛鼎
拚射壺博鄱陽暴謔中酒而作於是樂只行而歡飫無匱
都輦殷而四奧來暨水浮陸行方舟結驪鳴櫂轉轂昧旦
永日開市朝而普納橫闐闐而流溢混品物而同塵并都
鄙而爲一士女佇胎商賈駢坐紵衣絺服雜沓從萃輕輿
按轡以經隧樓船舉颿而過肆果布輻湊而常然致遠流
離與珂珮雜賄紛紜器用萬端金鑑磊砢珠琲闌于桃笙
象簞韜於筒中蕉葛升越弱於羅紈儼嘉漿穆交貿相競

誼譁嗶呶芬葩蔭映揮袖風飄而紅塵晝昏流汪震蹙而
中達泥濘富中之貲貨殖之選乘時射利財豐巨萬競其
區宇則并疆兼巷矜其宴居則珠服玉饌適材悍壯此焉
比廬捷若慶忌勇若專諸危冠而出竦劔而趨扈帶鯨面
扶揄屬鏤藏鏑於人去戢自閭家有鶴膝厝有犀渠軍容
蓄用器械兼儲吳鉤越棘純鉤湛盧戎車益於石城戈船
掩平江湖露往霜來日月其除草木萌解鳥獸脯膚觀鷹
隼誠征夫坐組甲建祀姑命官帥而擁鐸將校獵乎具區
烏許狼脰夫南西屠脰耳黑齒之酋金鄰象郡之渠驍駢
羸裔駁警警捷先驅前途俞騎騁路指南司方出車檻檻
被練錙錙吳王乃巾玉輅軺驕驕旂魚須常重光攝烏號
佩干將羽旌揚雄戟耀芒貝胃象弭織文鳥章六軍衿
服四騏龍驤峭格周施量爵普張畢罕瑣結毘蹶連網陸

以九疑禦以沅湘。輔軒蓼擾。設騎煒煌。祖。徒。搏。拔。距。投。石。之。部。猿。臂。解。脇。狂。蹇。獫。廌。騰。騰。鵠。視。趨。趨。拉。蹶。若。離。若。合。者。相。與。騰。躍。乎。莽。賈。之。野。干。函。矢。鏃。陽。夷。勃。廬。之。旅。兵。殺。短。兵。直。髮。馳。騁。偃。佻。全。竝。銜。枚。無。聲。悠悠。旆。旌。者。相。與。聊。浪。乎。昧。莫。之。垌。鉦。鼓。疊。山。火。烈。標。林。飛。爍。浮。煙。載。霞。載。陰。蒞。楓。雷。破。崩。巒。弛。岑。鳥。不。擇。木。獸。不。擇。音。賦。彪。騰。顧。麋。麋。六。駭。追。飛。生。彈。鸞。鵠。射。猿。挺。白。雉。落。黑。鳩。零。陵。絕。嶠。噍。聿。越。巉。險。跼。踰。竹。柏。猗。猗。杞。枏。封。狶。苑。神。螭。掩。剛。鋌。潤。霜。刃。染。於。是。殢。節。頓。轡。齊。鑣。駐。蹕。徘徊。倘。佯。寓。目。幽。蔚。覽。將。帥。之。拳。勇。與。士。卒。之。抑。揚。羽。族。以。背。踵。爲。刀。鉞。毛。羣。以。齒。角。爲。矛。鋌。皆。體。著。而。應。卒。所。以。挂。挖。而。爲。創。瘡。衝。蹕。而。斷。筋。骨。莫。不。矟。銳。挫。芒。拉。捍。摧。藏。雖。有。石。林。之。岑。巒。請。攘。臂。而。靡。之。雖。有。雄。虺。之。九。首。將。抗。足。而。蹴。之。顛。覆。巢。居。剖。

破窟宅仰攀鵝鵝俯蹴豺獭刳能罷之室剽掠虎豹之
落惺惺啼而就擒爲鳥笑而被格屠巴蛇出象脰斬鵬翼
掩廣澤輕禽狡獸周章夷猶狼跋乎紉中忘其所以睽睨
失其所以去就魂褫氣懾而自跼蹐者應弦而飲羽形價
景僵者累積而增益雜襲錯繆傾藪薄倒岫岫岩穴無狎
獫狁蒼無鷹鷂思假道於豐隆披重霄而高狩籠鳥免於
日月窮飛走之棲宿嶢澗圓岡帖童習累不滿效獲衆迴跽
平行邪睨觀漁乎三江汎舟航於彭蠡渾萬艘而旣同宏
舸連舳巨艦接鱣飛雲葢海制非常模疊華樓而島峙時
髣髴於方壺比鵠首而有裕邁餘皇於往初張組幃構流
蘇開軒幌鏡水區槁工楫師選自閩粵習御長風狎翫靈
胥貢千里於寸陰聊先期而須臾權謳唱簫籟鳴洪流響
渚禽驚弋磻放楫鵠鵬虞機發留鵠鵠鉤餌縱橫網罟接

緒術兼詹公巧傾任父筌鮪鱸鰻鱖魴罩兩魴翼鰕鰕乘
鰲鼉鼉同眾共羅沈虎潛鹿鬐獐倕束徽鯨輩中於羣情
攬搶暴出而相屬雖復臨河而釣鯉無異射鮒於井谷結
輕舟而競逐迎潮水而振緡想萍實之復形訪靈夔於鮫
人精衛銜石而遇繳交鯨夜飛而觸綸北山亡其翔翼西
海失其游鱗雕題之士鑲身之卒比飾虬龍蛟螭與對簡
其華質則貳費錦績料其虢勇則鵬悍狼戾相與昧潛險
搜環奇摸瑋瑁捫蜃蟾剖巨蚌於回淵濯明月於漣漪畢
天下之至異訖無索而不臻谿壑爲之一罄川瀆爲之中
貧陋滄臺之見謀聊襲海而徇珍載漢女於後舟追晉賈
而同塵汨乘流以砰宕翼颺風之颺颺直衝濤而上懶常
沛沛以悠悠汔可休而凱歸揖天吳與陽侯指包山而爲
期集洞庭而淹留數軍實乎桂林之苑饗戎旅乎落星之

樓置酒若淮泗積肴若山邱飛輕軒而酌綠醕方雙轡而
賦珍羞飲烽起鼙鼓震土遺倦衆懷欣幸乎館娃之宮張
樂而娛羣臣羅石與絲竹若鈞天之下陳發東歌操南音
允陽阿詠韋任荆豔楚舞吳愉越吟翕習容裔靡靡惜惜
若此者與夫唱和之隆響動鐘鼓之鏗肱有殷坻頽於前
曲度難勝皆與謠俗什協律呂相應其奏樂也則木石潤
色其吐哀也則淒風暴興或超延露而駕辯或喻綠水而
采菱軍馬弭髦而仰秣淵魚竦鱗而上升酣湑半八音并
歡情留良辰征魯陽揮戈而高麾迴曜靈於太清將轉西
日而再中齊旣住之精誠昔者夏后氏朝羣臣於茲土而
執玉帛者以萬國蓋亦先王之所高會而四方之所軌則
春秋之際要盟之主闔閭伸其威夫差窮其武內果伍員
之謀外騁孫子之奇勝強楚於柏舉棲勁越於會稽闕闕

平商魯爭長於黃池徒以江湖險陂物產殷充繞雷未足
 言其固鄭白未足語其豐士有陷堅之銳俗有節概之風
 睚眦則挺劍暗鳴則彎弓擁之者龍騰據之者虎視麾城
 若振槁搴旗若顧指雖帶甲一朝而元功遠致雖累葉百
 疊而富強相繼樂循其方域列僊集其土地桂父練形
 而易色赤須蟬蛻而附麗中夏比焉畢世而罕見丹青圖
 其珍瑋貴其寶利也舜禹游焉沒齒而忘歸精靈留其山
 阿翫其奇麗也剖判庶士商推萬俗國有鬱鞅而顯敞邦
 有湫阨而踳跼伊茲都之函宏傾神州而韞積仰南斗以
 斟酌兼二儀之優渥繇此而揆之西蜀之於東吳大小之
 相絕也亦猶棘林螢耀而與夫檮木龍燭也否泰之相背
 也亦猶帝之懸解而與夫桎梏疏屬也庸可共世而論亘
 細同年而議豐确乎暨其幽遐獨寥寥廓間與耳目之所

不該足趾之所不蹈僞備之極異詭譎之殊事藏理於終
古而未寤於前覺也若吾子之所傳孟浪之遺言略舉其
梗概而未得其要妙也

魏都賦

魏國先生有睟其容乃肝衡而誥曰昇平交益之士蓋音
有楚夏者士風之乖也情有險易者習俗之殊也雖則生
常固非自得之謂也昔市南宜僚弄丸而兩家之難解聊
爲吾子復翫德音以釋二客競於辯囿者也夫泰極剖判
造化權輿體兼晝夜理包清濁流而爲江海結而爲山嶽
列宿分其野荒裔帶其隅巖岡渾淵阻蠻隔夷峻危之竅
也蠻貊夷落譯導而通鳥獸之氓也正位居體者以中夏
爲喉不以邊陲爲襟也長世字氓者以道德爲藩不以襲
險爲屏也而子大夫之賢者尙弗曾庶翼等威附麗皇極

思稟正朔樂率貢職而徒務於詭隨匪人宴安於絕域榮
其文身驕其險棘繆默語之常倫牽膠言而踰侈飾華靡
以矜然假僂彊而攘臂非醇粹之方壯謀踳駁於王義孰
愈尋靡蕩於中達造沐猴於棘刺劒閣雖嶮憑之者蹶非
所以深根固蒂也洞庭雖潛負之者北非所以愛人治國
也彼桑榆之末光踰長庚之初輝況河冀之爽塏與江介
之湫嶺故將語子以神州之略赤縣之畿魏都之卓犖六
合之樞機於時運距陽九漢綱絕維姦回內勦兵纏紫微
翼翼京室耽耽帝宇巢焚原燎變爲煨燼故荆棘旅庭也
殷殷寰內繩繩八區鋒鏑縱橫化爲戰場故麋鹿寓城也
伊洛榛曠峭函荒蕪臨蕃牢落鄆郢邱墟而是有魏開國
之日締構之初萬邑譬焉亦猶犖麋之與子都培塿之與
方壺也且魏地者畢昴之所應虞夏之餘人先王之桑梓

列聖之遺塵考之四隈則八埏之中測之寒暑則霜露所
均卜偃前識而賞其隆矣札聽歌而美其風雖則衰世而
盛德形於管絃雖踰于祀而懷舊蘊於遐年爾其疆域則
旁極齊秦結湊冀道開胸殷衛跨躡燕趙山林幽峽川澤
迴繚恆碣砥礪於青霄河汾浩渺而臨濛南陽淇澳則綠
竹純茂北臨漳滏則冬夏異沼神鉦迢遞於高嶺靈饗時
驚於四表溫泉必涌而自浪華清蕩邪而難老墨井鹽池
元滋素液厥田惟中厥壤惟白原隰昫昫墳衍庠序或崑
壘而復陸或壺朗而拓落乾坤交泰而細細嘉祥徵顯而
豫作是以兆朕振古萌祗疇昔藏氣識緯閱象竹帛迴時
世而淵默應期遇而光赫暨聖武之龍飛肇受命而光宅
爰初自臻言古其良謀龜謀筮亦旣允臧修其郭郭濬其
城隍經始之制牢籠百王畫雍豫之居寫八都之宇鑒茅

英於陶唐察卑宮於夏禹古公章創而高門有闢宣王中
興而築室百堵兼聖哲之軌并文質之狀商豐約而折中
准當年而爲量思重爰摹大壯覽荀卿采蕭相倂拱木於
林衡授全模於梓匠遐邇悅豫而子來工徒擬議而騁巧
闢鉤繩之筌緒承二分之正要務日晷考星曜建社稷作
清廟築曾宮以迴匝比岡隰而無陂造文昌之廣殿極棟
宇之宏規對若崇山崛起以崔嵬髣若元雲舒蜺以高垂
環材五世埒塋參差粉橈復結欒櫨疊施丹梁虹申以竝
互朱櫺森布而支離綺井列疏以懸帶華蓮重葩而倒披
齊龍首而涌雷時梗槩於滌池旅楹閑列暉鑒挾棖榱題
黼黻階楯嶙峋長庭砥平鐘簴夾陳風無纖埃雨無微津
巖巖北闕南端道遵竦峭雙碣方駕比輪西闕延秋東啓
長春用觀羣后觀享頤賓左則中朝有旆聽政作寢匪樸

匪新去泰去甚水無彫餗土無絺錦元化所甄國風所稟
於前則宣明顓陽順德崇禮重闢洞出鏘鏘濟濟珍樹倚
倚奇卉萋萋惠風如薰甘露如醴禁臺省中連闥對廊直
事所繇典刑所藏藹藹列侍金蜩齊光請朝隋幄納言有
章亞以柱後執法內侍符節謁者典璽館吏膳夫有官藥
副有司有醴順時膳理則治於後則椒鶴文石永巷壺術
楸梓木蘭大舍甲乙西南其戶成之匪日丹青炳煥特有
溫室儀彤宇由歷象賢聖圖以百瑞絳以藻詠茫茫終古
此焉則鏡有虞作續茲亦等競右則疏圃曲池下畹高堂
蘭渚每莓石瀨湯湯弱葭係實輕葉振芳奔龜躍魚有際
呂梁馳道周屈於渠下延閣允宇以經營飛陛方輦而徑
西三臺列峙以緜曠元陽臺於陰基擬華山之削成上累
棟而重霄下冰室而洎冥周軒中天丹墀臨森增構峩峩

清塵影影雲崔嵬疊而矯首壯翼揭鏤於青霄雷而窈冥而未半敝日籠光於綺寮習步頓以升降御春服而逍遙八極可囿於寸眸萬物可齊於一朝長塗卒首豪微互經晷漏肅唱明宵有程附以蘭鈞宿以禁兵司衛閑邪鈞陳罔驚於是崇墉瘠洳嬰堞帶浹四門轍轍隆夏重起憑太清以混成越埃壒而資始藐藐標危亭亭峻峙臨雋原而不悅誰勁捷而無猓與岡岑而永固非有期乎世祀陽靈停曜於其表陰祇濛霧於其裏苑以元武陪以幽林繚垣門囿觀宇相臨碩果灌叢園木疎尋皇祿懷風蒲陶結陰回淵濯積水深葉葭贊翟萌森丹藕凌波而的皪綠芰泛瀾而浸潭羽副頡頏鱗介浮沆棲者擇木離者擇音若咆渤解與姑餘常鳴鶴而在陰表清鑒勸虞箴思國恤忘從禽樵蘇往而無忌卽鹿縱而匪禁腴腴垌野奕奕蓄畝

茶伊蠡芒種斯阜西門斷其前史起灌其後塍流十二同
源異日畜爲屯雲泄爲行雨水澍稷稌陸蒔黍黝黝桑
析油油麻紵均田畫疇蕃廬錯列薑芋充茂桃李蔭翳家
安其所而服美自悅邑屋相望而隔踰奕世內則街衢輻
輳朱闕結隅石杠飛梁出控漳渠疏通溝以濱路羅青槐
以蔭塗比滄浪而可濯方步櫚而有踰習習冠蓋莘莘蒸
徒斑白不提行旅讓備設官分職營處署居夾之以府寺
班之以里閭其府寺則位副三事官踰六卿奉常之號大
理之名厦屋一揆華屏齊榮肅肅階闕重門再扃師尹爰
止毗代作楨其閭閻則長壽吉陽永平思忠亦有戚里寘
宮之東開出長者巷苞諸公都護之堂殿居綺牕輿騎朝
猥蹀飭其中營客館以周坊飭賓侶之所集瑋豐樓之開
闕起建安而首立葺牆幕室房廡雜襲剗剗罔撥匠斲積

習廣成之傳無以儔豪街之邸不能及廓三市而開塵籍
平遠而九達班列肆以兼羅設闔閭以襟帶濟有無之常
偏距日中而畢會抗旗亭之糞辟侈所覩之博大百隧轂
擊連軫萬貫憑軾捶馬袖幕紛半壹八方而混同極風采
之異觀質剝平而交易刀布貿而無算財以工化賄以商
通難得之貨此則弗容器周用而長務物背窳而就攻不
鬻邪而豫賈著馴風之醇醲白藏之藏富有無隄同賑大
內控引世資資資積滯琛幣充牣關石之所和鈞財賦之
所底慎燕弧盈庫而委勁冀馬填廐而駟駿至乎勅敵糾
紛庶士罔甯聖武興言將曜威靈介胃重襲旌旗躍莖弓
珣解繁矛鏃翺英三屬之甲縵胡之纓控弦簡發妙擬更
贏齊被練而鈇戈襲偏裒以譴列畢出征而中律執奇正
以四伐碩畫精通目無匪制推鋒積紀銳氣彌銳三接三

捷旣書亦月尅翦方命吞滅咆咍雲撤叛換席捲虔劉祿
威入紘荒阻率出洗兵海島刷馬江洲振旅輶輶反旆悠
悠凱歸同飲疏爵普疇朝無刊印國無費留喪亂旣弭而
能宴武人歸獸而去戰蕭斧戢柯以柳刃虹旌攝擘以就
卷斟洪範酌典憲觀所恆通其變上垂拱而司契下緣督
而自勸道來斯貴利往則賤罔圖寂寥京庾流衍於是東
鯁卽序西傾順軌荆南懷懣朔北思聿縣縣迴塗驟山驟
水襁負費贊重驛貢篚髦首之豪鐻耳之傑服其荒服繳
枉魏闕置酒文昌高張宿設其夜未遠庭燎晰晰有容祁
祁載華載裔岌岌冠緹累累蕭髮清醕如濟濁醪如河凍
醴流漸溫耐耀波豐肴衍衍何云據注衍衍當作衍衍行庖饘饘倍倍醢
醢譙酃酃無譁延廣樂奏九成冠詔夏冒五莖僧響起疑震
霆天宇駭地廬驚億若大帝之所興作二羸之所曾聆金

石絲竹之恆韻。匏土革木之常調。干戚羽旄之飾。好清謳
 微吟之要妙。世業之所日用。耳目之所聞覺。雜糅紛錯。兼
 該泛博。鞞鞞所掌之音。韎昧任禁之曲。以娛四夷之君。以
 睦八荒之俗。旣苗旣狩。爰游爰豫。藉田以禮。動大閱以義。
 舉備法。駕埋秋。御顯文武之壯觀。邁梁騶之所著。林不槎
 枿。澤不化天。斧斨以時。嘗罍以道德。連木理仁。挺芝草。皓
 獸爲之育。勳丹魚爲之生。沼喬雲翔。龍澤馬于阜。山圖其
 石。川形其寶。莫黑匪鳥。三趾而來。儀莫赤匪狐。九尾而自
 擾。嘉穎離合以葍。葍醴泉涌流而浩浩。顯禎祥以曲成。固
 觸物而兼造。恭亦明靈之所酬。酢休徵之所俾。兆畋畋率
 土。遷善罔匱。沐浴福應宅心。醴粹餘糧。棲畝而弗收。頌聲
 載路而洋溢。河洛開興。符命用出。翩翩黃鳥。銜書來訊。人
 謀所尊。鬼謀所佚。劉宗委馭。選其神器。闕王策於金縢。案

靡測得聞上德之至盛匪同憂於有聖抑若春霆發響而
驚蟄飛競潛龍浮景而幽泉高鏡雖星有風雨之好人有
異同之性庶翫菽家與剝盧非蘇世而居正且夫寒谷豐
黍吹律暖之也昏情爽曙箴規顯之也雖明珠兼寸尺璧
有盈曜車二六三傾五城未若申錫典章之爲遠也亮曰
日不雙麗世不兩帝天經地緯理有大歸安得齊給守其
小辯也哉

潘昇笙賦

文選

此亦當是閒居時作

河汾之實有曲沃之懸匏焉鄒魯之珍有汶陽之孤篠焉
若乃懸蔓紛敷之麗浸潤靈液之滋隅隈夷險之勢禽鳥
翔集之嬉固衆作者之所詳余可得而略之也翻去前人
稟白必要
諫明亦面徒觀其制器也則審洪纖而短長則生餘裁孰簧設

宮分羽經徵列商泄之反謚厭焉乃揚管橫羅而表列音
要妙而含清各守一以司應統大魁以爲笙基黃鍾以舉
韻望鳳簾以擢形寫皇翼以栢羽摹鸞音以厲聲如鳥斯
企翺翺歧歧明珠在味若衍若垂修楫內辟餘簫外透駢
田獵擺鯨鯨參差於是乃有始泰終約前榮後悴傲憤於
今賤永懷乎故貴衆滿堂而飲酒獨向隅以掩淚援鳴笙
而將吹先盟濊以埋氣初雍容以安暇中佛鬱以佛惛終
鬼竅以蹇愕又蠲選司繁沸罔孟浪以惆悵若欲絕而復
肆圖撒釋以奔邀似將放而中匱悵滄惻滅虺薛煜熠汎
淫汎豔書睚岌岌或案衍夷靡或竦踴剽急或既往不反
或已出復人徘徊布濩渙衍葦蕤舞旣蹈而中輟節將撫
而弗及樂聲發而盡室歡悲音奏而列坐泣擗纖翮以震
幽簧越上箎而道下管應吹箏以往來這抑揚以虛滿勃

慷慨以慘亮。顧躊躇以舒緩。張女之哀。彈流廣陵之名。
散詠桃園之天天。歌棗下之纂纂。歌曰。棗下纂纂。朱實離
離。宛其落矣。化爲枯枝。人生不能行樂。死何以虛歸爲爾。
乃引飛龍鳴。鳴雞雙鴻。翔白鶴。飛子喬。輕舉明君。懷歸荆
王。唱其長吟。楚妃歎而增悲。夫其悽矣。辛醪嚶嚶。開關若
離鴻之鳴子也。舍嘲嘲。諧雍雍。嶠嶠若羣雛之從母也。郁
杌劫。倕宏融。商哇咬。嚶嚶。壹何察惠。談厲悄切。又何若
折若夫時陽初暖。臨川送離。酒酣徒擾。樂闕日移。旅客始
闕。主人微疲。弛絃韜箒。徹塤屏篴。爾乃促中筵。攜友生。解
嚴顏。羅幽情。披黃包以授甘。傾練瓷以酌鄙。尤歧假其階
列。雙鳳哨以和。鵬首野悚而投琴。況齊瑟與秦箏。新聲變
曲。奇韻橫逸。紫羅歌鼓。網羅鍾律。爛熳喻以放。豔鬱蓬勃
以氣。出秋風。蘇於燕路。天光重乎朝日。天不踰宮。細不過

羽唱發章夏導揚韶武協和陳宋混一齊楚邇不通而遠
無機聲成文而節有敘彼政有失得而化以醇薄樂所以
移風於善亦所以易俗於惡故絲竹之器未政而桑濮之
流已作惟簫也能研羣聲之情惟笙也能總衆清之林衡
無所措其邪鄭無所容其淫非天下之和樂不易之德音
其孰能興於此乎

潘岳藉田賦 文選

伊晉之四年正月丁未 注云晉書曰丁亥今爲丁未皇帝

親率羣后藉千千畝之甸禮也於是乃使甸帥 晉書清畿

野廬鼎路封人境官掌舍設極青壇蔚其嶽立兮翠幕猷

以雲布結崇基之靈趾兮啓四塗之廣陣沃野墳腴膏麋

平低清洛濁渠引流激水遐辟繩直邇陌如矢總轄服於

縹輓兮紺轅綴於黛耜儼儲駕於塵左兮俟萬彙之躬履

百僚先置位以職兮自上下下具惟命臣襲春服之萋萋

兮接游車之麟麟微風生於輕幌

晉書下有兮字

織埃起於

晉書作乎

朱輪森奉璋以階列

晉書下有兮字

望皇軒而肅震若湛露之晞

朝陽

晉書下有兮字

似眾星之拱北辰也

晉書無似字

於是前驅魚麗

屬車鱗萃闔闔洞啓參塗方馳常伯陪乘太僕秉

晉書作執轡

后妃獻種桂之種司農撰播殖之器挈壺掌升降之節宮

正設門閭之蹕天子乃御玉輦蔭華蓋衝牙鐸鎗綃紃絳

縹金根照耀以炯晃兮龍驤騰驤而沛艾表朱元於離坎

晉書下有兮字

飛青綃於震兌中黃睚以發暉

晉書作輝下有兮字

方綵紛

其繁會五輅鳴鑾九旗揚旆瓊鍬人藥雲罕旃藹簫管嘲

晰以嗽嘈兮鼓鞀砮隱以砢磳筍篴疑以軒翥兮洪鍾越

乎區外震震填填塵驚遶天以幸乎藉田蟬冕顯以灼灼

兮碧色肅其芊芊

晉書作芊芊

似夜光之剖荆璞兮若茂松之

依山顛也於是我皇乃降靈壇撫御耦珉

晉書

場染屨洪

縻在手三推而舍庶人終畝貴賤以班或五或九於斯時

也居靡都鄙民無華裔長幼雜還以交集士女頌斌而咸

戾被褐振裾垂髻總髮

晉書

躡踵側肩倚裳連襪黃塵爲

之四合兮

晉書

陽光爲之潛翳動容發音而觀者莫不抃

舞乎康衢謳吟乎聖世情欣樂於昏作兮慮盡力乎樹藝

靡誰

晉書

督而常勤兮莫之課而自厲躬先勞以

晉書

使兮豈嚴刑而猛制之哉有邑老田父或進而稱曰蓋損

益隨時理有常然高以下爲基民以食爲天正其未者端

其本善其後者慎其先夫九土之宜弗任四人

晉書

之務

不壹野有菜蔬之色朝靡

晉書

代耕之秩無儲穡以虞災

徒望歲以自必三季之衰皆此物也今聖上昧旦丕顯夕

惕若慄圖匱於豐防儉

晉書

於逸欽哉欽哉惟穀之卹展

三時之宏務致倉廩於盈溢固堯舜之用心而存救之要

術也若乃廟祧有事祝宗諏日簠簋普淖則此之自實綸

閣蕭茅又於是乎出黍稷馨香旨酒嘉粟宜其民晉書和

年登而神降之吉也古人有言曰聖人之德無以加於孝

乎夫孝天地之性晉書夫孝天下無地字孝人之所由靈也昔者

明王以孝治天下其或繼之者鮮哉希矣逮我皇晉實光

斯道儀刑乎於萬國愛敬盡於祖考故躬稼以供粢盛所

以致孝也勸穡以足百姓所以固本也能本而孝盛德大

業至矣哉此一役也而晉書無二美具焉不亦遠乎不亦

重乎敢作頌曰思樂甸畿薄采其茅大君戾止言藉其農

其農三推萬方晉書以祇耨我公田實及我私我簠斯盛

我簋斯齊我倉如陵我庾如坻念茲在茲永言孝思人力

普存祝史正辭神祇攸歆逸豫無期一人有慶兆民賴之

潘岳秋興賦

并序
文選

卷五

三

晉十有四年余春秋三十有二始見二毛以太尉掾兼虎賁中郎將寓直於散騎之省高閣連雲陽景罕靡珥蟬冕而襲紉綺之士此焉游處僕野人也偃息不過茅屋茂林之下談話不過農夫田父之客攝官承乏猥廁朝列夙興晏寢匪遑底甯譬猶池魚籠鳥有江湖山藪之思於是染翰操紙慨然而賦於時秋也故以秋興名篇其辭曰

四運忽其代序兮萬物紛以迴薄覽花時之時育兮察盛衰之所託感冬索而春敷兮嗟夏茂而秋落雖末士之榮悴兮伊人情之美惡善乎宋玉之言曰悲哉秋之爲氣也颺瑟兮草木搖落而變衰慘慄兮若在遠行登山臨水送將歸夫送歸懷慕徒之戀兮遠行有羈旅之憤臨川感流以歎逝兮登山懷遠而悼近彼四感之疚心兮遭一塗而

難忍嗟秋日之可哀兮諒無愁而不盡野有歸燕隱有翔

隼游氛朝興槁葉夕殞於是迴屏輕箴釋纖絺藉莞蒻御

袷衣庭樹滅以灑落兮勁風戾而吹帷蟬嘒嘒而寒吟兮

雁飄飄而南飛天晃朗以彌高兮日悠揚而浸微

比興與序中陽景字雖同意何微陽之短晷覺涼夜之方永月腫臃以

含光兮露淒清以凝冷眉燿粲於階闥兮蟋蟀鳴乎軒屏

聽離鴻之晨吟兮望流火之餘景宵耿介而不寐兮獨展

轉於華省悟時歲之邁盡兮慨俛首而自省班鬢影以承

弁兮素髮飄以垂頰仰羣僞之逸軌兮攀雲漢以游騁登

春臺之熙熙兮珥金貂之炯炯苟趣舍之殊塗兮庸詎識

其躁靜聞至人之休風兮齊天地於一指彼知安而忘危

兮故出生而人死行投趾於容跡兮殆不踐而獲底闕側

足而及泉兮雖猴猿而不履龜祀骨於宗祧兮思反身於

綠水且斂衽以歸來兮忽投紱以高厲耕東臬之沃壤兮
輸黍稷之餘稅泉涌湍於石間兮菊揚芳於崖澹渌秋水
之涓涓兮玩游鯈之澌澌逍遙乎山川之阿放曠乎人間
之世優哉游哉聊以卒歲

潘岳閒居賦

并序
文選

岳嘗

晉書無此字

讀汲黯傳至司馬安因至九卿而良史書之

有題字下

以巧宦之目未嘗不慨然廢書而歎

晉書下有也字

曰嗟

平巧誠有之拙亦宜然顧常以爲士之生也非至聖無軌
微妙元通者則必立功立事効當年之用是以資忠履信
以進德修辭立誠以居業僕少竊鄉曲之譽忝司空太尉
之命所奉之主卽太宰魯武公其人也舉秀才爲郎逮事
世祖武皇帝爲河陽懷令尙書郎廷尉平今天子諒闇之
際頌太傅主簿府主

晉書無此字

誅除名爲民俄而復官除長

安令遷博士未召拜親疾輒去官免自弱冠涉乎

晉書知

命之年八徙官而一進階再免一除名一不拜職遷者三

而已矣雖通塞有遇抑亦拙者

晉書無此字

之效也昔通人和

長輿之諭余也周謂

晉書作日

拙於用多稱多則

晉書作者

吾豈敢

言拙信而有徵方今倭又在官百工惟時拙者可以絕意

乎寵榮之事矣太夫人在堂有羸老之疾尚何能違膝下

色養而屑屑從斗簪之役乎

晉書無此字

於是覽止足之分庶

浮雲之志築室種樹逍遙自得池沼足以漁釣春稅足以

代耕灌園弼

晉書作潔

蔬以

晉書無此字

供朝夕之膳牧羊酤酪以

晉書無此字

俟伏臘之費孝乎惟孝友于兄弟此亦拙者之爲

政也乃作閒居賦以歌事遂情焉其辭曰

傲

晉書作遨

填素之場

晉書作長

圖步先哲之高衢雖吾顏之云厚

猶內愧於甯蘧有道吾

晉書作余

不仕無道吾不愚何巧智之

不足而拙艱之有餘也於是退而閒居於洛之渙身齊逸

民名綴下土陪

晉書作背

京沂伊而郊後市存梁黜以徑度靈

臺傑其高峙闕天文之視奧究人事之終始其西則有元

戎禁營元幘綠微谿子亘黍異案同機礲石雷駭渤矢畜

飛以先啓行耀我皇威其東則有明堂辟靡清穆倣間環

林榮映圓海迴淵聿追孝以嚴父宗文考以配天祇聖敬

以明順養更老以崇年若乃育冬涉春陰謝陽施天子有

事於柴燎以郊祖而展義張鈞天之廣樂備于棗之萬騎

服振振川齊元管吹叭而竝吹煌煌乎隱隱乎茲禮容之

壯觀而王制之亘麗也兩學齊列雙宇如一右延國胃左

納良逸祁祁生徒濟濟儒術或升之堂或入之室教無常

師

晉書下

道在則是故髦士投級名王懷璽訓若風行應

如

晉書

草靡此里仁所以爲美孟母所以三徙也爰定我

作猶

居築室穿迥長楊應沼芳枳樹籬游鱗憶澗菡萏敷披竹

木翁藹靈果參差張公大谷之梨梁侯烏埤之柿周文弱

枝之棗房陵朱仲之李靡不畢殖晉書作植三桃表櫻胡之別

二柰曜丹白之色石榴蒲陶晉書作桃之珍磊落蔓衍晉書作延乎

其側梅杏郁棣之屬繁榮麗藻之飾華實照爛言所不能

極也茱則蔥韭蒜芋青筍紫薑薑薺甘旨蓼蒹芬芳蘘荷

依陰時藿向陽綠葵含露白薤負霜於是凜秋暑暉熙春

寒往微雨新晴六合清朗太夫人乃御版輿升輕軒遠覽

王畿近周家團體以行和藥以勞宣常膳載加舊痾有痊

晉書下有帝長筵列孫子柳垂陰車結軌陸摘紫房水挂

頰鯉或宴於林或娛於記昆弟班白兒童稚齒稱萬壽以

獻觴咸一懼而一喜壽觴舉慈顏和浮杯樂飲絲竹駢羅

頓足起舞抗音局歌人生安樂孰知其佗晉書作他退求已而

自省信用薄而才劣奉周任之格言敢陳力而就列幾陋
身之不保尚晉書作而奚擬於明哲仰衆妙而絕思終優游以
養拙

潘岳射雉賦

并序。○○。文選

余徙家於琅邪其俗善射卿以講肄之餘暇而習媒翳之
事遂樂賦之序見文選注

涉清林以游覽兮樂羽族之羣飛聿采毛之英麗今有五
色之名翬鴈耿介之專心兮多雄鸞之矯姿巡邱陵以經
略兮畫墳衍而分壘於時青陽告謝朱明肇授靡木不滋
無草不茂初莖蔚其曜新陳柯槭以改舊天決決以垂雲
泉涓涓而吐溜麥漸漸以擢芒雉鷺鷥而朝雉兩箱籠以
揭驕睨驍媒之變態奮勁散以角槎隣悍目以秀睭鷺綺
翼而經揭灼繡頸而袞背鬱軒翥以餘怒思長鳴以效能

爾乃擊場拄翳停僮。蔥翠綠柏參差。文翻鱗次。蕭森繁茂。
婉轉輕利。衷料戾以徹鑒。表厭躡以密緻。恐吾游之晏起。
慮原禽之早至。甘疲心於企想。分倦目以寓視。何調翰之。
喬傑。邈疇類而殊才。候扇舉而清叫。野聞聲而應媒。寒微。
畧以長眺。已踉蹌而徐來。摘朱冠之絕赫。敷藻翰之陪鯁。
首葯綠素身。拖黼繪青。歡莎靡丹臆。蘭絳或蹶。或啄時行。
時止。斑尾揚翹。雙角特起。良游哢喔。引之規裏。應叱愕立。
擢身竦峙。捧黃閒以蜜殼。屬剛罽以潛擬。倒禽紛以迸落。
機聲振而未已。山驚悍害。森迅已甚。越壑凌岑。飛鳴薄廩。
鵲徐爰注當作掌牙低。鐵心平望。審毛體摧落。霍若碎鏹。逸羣之。
僞擅場。挾兩櫟。雌妒異。僂來忽往。忌上風之餐切。畏映日。
之儻朗。屏發布而累息。徒心煩而伎憤。伊義鳥之應機。啾。
援地以勵響。彼聆音而逕進。忽交距以接壤。彤盈窗以美。

發紛首積而臆仰或乃崇墳夷靡農不易隴稊菽藜榛藟
蒼萃茸鳴雄振羽依於其冢稠降邱以馳敵雖形隱而草
動瞻挺挺之傾掉意愴躍以振踊嗽出苗以入場愈情駭
而神悚望壓谷而發晶雉腴肩而旋踵飲余志之精銳擬
青顙而點項亦有目不步體邪眺旁剔靡聞而驚無見自
驚周環回復繚繞磐辟戾騎旋把紫隨所歷不于中李
字云輟腹焉中鐫前則重膺傍截疊翻若夫多疑少決膽劣
心狷內無固守出不交戰來若處子去如激電闕閭薊葉
輾歷乍見於是算分銖商遠邇撈懸刀騁絕技如轆如軒
不高不卑當味值駒裂膝破齒夷險殊地馴麕異變具不
暇食夕不告勑昔賈氏之如皋始解顏於一箭醜夫爲之
以猶憾妻爲之釋怨彼游田之致獲咸乘危以馳驚何斯
之安逸嗟禽從其已豫清道而行擇地而住尾飾鑣而

在服內登俎而永御豈唯阜隸此焉君舉若乃馳繁流道
放心不移忘其身恤司其雄雌樂而無節端操或虧此則
老氏所誡君子不爲

潘岳懷舊賦

并序
文選

余十二而獲見於父友東武戴侯楊君始見知名遂申之
以婚姻而道元公嗣亦隆世親之愛不幸短命父子凋殞
余既有私艱且尋役於外不歷嵩邱之山者九年於茲矣
今而經焉慨然懷舊而賦之曰

啟開陽而朝邁濟清洛以徑渡晨風淒以激冷夕雪暘以
掩路散含冰以滅軌水漸軻以凝沍塗艱屯其難進日晚
晚而將暮仰瞻歸雲俯鏡泉流前瞻太室傷眺嵩邱東武
託焉建瑩啓疇嚴嚴雙表列列行楸望彼楸矣慮于予思
旣興慕於戴侯亦悼元而哀嗣墳壘壘而接塋柏森森以

攢植何逝沒之相尋曾舊草之未異余總角而獲見承載
侯之清塵名余以國士眷余以嘉姻自祖考而隆好逮二
子而世親歡攜手以偕老庶報德之有鄰今九載而一來
空館閱其無人陳蓼被於堂除舊圃化而爲薪步庭廡以
徘徊涕泣流而霑巾宵展轉而不寐驟長歎以達晨獨鬱
結其誰語聊綴思於斯文

潘岳寡婦賦

并序
文選

樂安任子咸有韜世之量與余少而歡焉雖兄弟之愛無
以加也不幸弱冠而終良友旣沒何痛如之其妻又吾甥
也少喪父母適人而所天又殞孤女藐焉始孩斯亦生民
之至艱而荼毒之極哀也昔阮瑀旣歿魏文悼之並命知
書作寡婦之賦余遂擬之以敘其孤寡之心焉其辭曰
嗟予生之不造兮哀天難之匪忱少伶僇而偏孤兮痛切

恒以推心覽寒泉之遺歎兮詠蓼莪之餘音情長慙以永
慕兮思彌遠而逾深伊女子之有行兮爰奉嬪於高族承
慶雲之光覆兮荷君子之惠渥願葛藟之蔓延兮託微莖
於樛木懼身輕而施重兮若履冰而臨谷遵義方之明訓
兮憲女史之典戒奉蒸嘗以效順兮供灑埽以彌載彼詩
人之攸歎兮徒願言而心痠何遭命之奇薄兮遘天禍之
未悔榮華嗟其始茂兮良人忽以捐背辭闔門以窮居兮
塊然獨而靡依易錦茵以苦席兮代羅幃以素帷命阿保
而就列兮覽巾篋以舒悲口嗚咽以失聲兮淚橫迸而霑
衣愁煩冤其誰告兮提孤孩於坐側時曖曖而向昏今日
杳杳而西匿崔羣飛而赴楹兮雞登棲而斂翼歸空館而
自憐兮撫衾裯以歎息何義門云羣飛四語非所宜言思纏絲以督亂兮
心摧傷以悵惻曜靈晷而遡適兮四節運而推移天凝露

以降霜兮木落葉而墮枝仰神宇之寥寥兮瞻靈衣之披披
披退幽悲於堂隅兮進獨拜於牀垂耳傾想於疇昔兮目
仿佛乎平素雖冥冥而罔覲兮猶依依以憑附痛存亡之
殊制兮將遷神而安厝龍輜儼其星駕兮飛旒闢以啓路
輪按軌以徐進兮馬悲鳴而踟蹰顧潛靈邈其不反兮殷憂
結而靡訴睇形影於几筵兮馳精爽於邱墓自仲秋而在
疚兮踰履霜以踐冰雪霏霏而驟落兮風瀏瀏而風與雪
泠泠以夜下兮水簌簌以微凝意忽恍以遷越兮神一力
而九升庶浸遠而哀降兮情惻惻而彌甚願假夢以通靈
兮目炯炯而不寢夜漫漫以悠悠兮寒淒淒以凜凜氣憤
薄而乘胸兮涕交橫而流枕亡魂逝而永遠兮時歲忽其
邁盡容貌偶以頓頓兮左右悽其相愍感三良之殉秦兮
甘捐生而自引鞠稚子於懷抱兮羌低徊而不忍獨指景

而心誓兮。雖形存而志隕。重曰。仰皇穹兮。歎息私自憐兮。
何極省微身兮。孤弱顧稚子兮。未識如涉川兮。無梁若陵
虛兮。失翼上瞻兮。遺象下臨兮。泉壤窈冥兮。潛望心存兮。
目想奉虛坐兮。肅清想空宇兮。瞻朗廓孤立兮。顧影塊獨
言兮。聽響顧影兮。傷摧聽響兮。增哀遙逝兮。逾遠緬邈兮。
長乘四節流兮。忽代序歲云暮兮。日西頽霜被庭兮。風入
室夜既分兮。星漢迴夢良人兮。來游若閭闔兮。洞開怛驚
悟兮。無聞超微悅兮。慟懷慟懷兮。柰何言陟兮。山阿墓門
兮。肅肅修壟兮。峨峨孤鳥嚶兮。悲鳴長松萋兮。振柯哀鬱
結兮。交集淚橫流兮。漚沲蹈恭姜兮。明誓詠柏舟兮。清歌
願歸骨兮。山足存憑託兮。餘華要吾君兮。同穴之死矢兮。
靡佗。

潘岳悼亡賦。

伊良嬪之初降幾二紀以迄茲嗟兩門之不造倘荼毒而
嘗之嬰生艱之至極又薄命而早終含芬華之芳烈翩零
落而從風神飄忽而不反形安得而久安襲時服於遺質
表鉛華於餘顏問筮賓之何期宵過分而參闕詎幾時而
見之目眷戀以相屬聽輟人之唱籌來聲叶以連續聞冬
夜之恆長何此夕之一促且伉儷之好合垂明哲乎嘉禮
苟此義之不謬乃全身之半體吾聞喪禮之在妻謂制重
而哀輕既履冰而知寒吾今信其緣情力既昏兮朝既清
延爾族兮臨後庭入空室兮望靈坐帷飄飄兮燈熒熒燈
熒熒兮如故帷飄飄兮若存物未改兮人已化饋生塵兮
酒停樽春風兮泮冰初陽兮戒溫逝逍遙兮浸遠嗟熒熒
兮孤魂

摯虞思游賦

晉書○

全擬恩元得其匡郭

虞常以死生有命富貴在天天之所祐者義也人之所助者信也履信思順所以延福違此而行所以速禍然道長世短禍福舛錯怵迫之徒不知所守蕩而積憤或迷或放故借之以身假之以事先陳處世不遇之難遂棄彝倫輕舉遠游以極常人周惑之情而後引之以正反之以義推神明之應於視聽之表崇否泰之運於智力之外以明天當作任命之不可違故作思游賦其辭曰

有軒轅之遐胄兮氏仲王之洪裔敷華穎於末葉兮晞靈根於上世準乾坤以幹度兮儀陰陽以定制匪時運其焉行兮察太虛而遙曳戴朗月之高冠兮綴太白之明璫製文電以爲衣兮襲彩雲以爲裳要華電之煜爚兮佩玉衡之琳琅明景日以鑒形兮信煥耀而重光至美詭好於凡

觀兮修稀合而靡呈燕石提龔以華國兮和璞遙棄於南
荆夏像韜塵於市北兮瓶罍抗方於兩楹鸞皇耿介而偏
棲兮蘭桂背時而獨榮關寒暑以練真兮豈改容而爽情
感昆吾之易越兮懷暉光之速暮羨一息而三春兮尙含
英以容豫悼曜靈之靡暇兮限天晷之有度聆鳴蜩之號
節兮恐隕葉於凝露希前軌而增驚兮眷後塵而旋顧往
者儻忽而不逮兮來者冥昧而未著二儀泊焉其無央兮
四節環轉而靡窮星鳥逝而時反兮夕景潛而且融閔三
后之在天兮歎聖哲之永終諒道修而命微兮孰舍盈而
戢冲提隨珠與蕙若兮時莫悅而未遑彼未遑其何恤兮
懼獨美之有傷蹇委深而投粵當作與兮庶芬芳之不彰芳
遠幽而彌馨兮寶在夜而愈光逼區內之迫脅兮思摠翼
乎八荒望雲階之崇壯兮願輕舉而高翔造包犧以問象

今辨吉繇於姬文將遠游於太初兮鑒形魄之未分四靈
儼而爲衛兮六氣紛以成羣驂白獸於商風兮御蒼龍於
景雲簡廡徒於靈囿兮從馮夷而問津召陵陽於游谿兮
旌王子於柏人前祝融以掌燧兮殿元冥以掩塵形影影
而遂遐兮氣亶亶而愈新挹玉膏於萊嶠兮掇芝英於瀛
濱揖太昊以假憩兮聽賦政於三春洪範翕而復張兮百
卉隕而更震睇玉女之紛影兮執懿筐於扶太覽元象之
離睚兮仍騰躍平陽谷吸朝霞以療饑兮降廩泉而濯足
將縱轡以逍遙兮限東極之路促詔纖阿而右迴兮覲朱
明之赫戲蒞羣神於夏庭兮迴蒼梧而結知繩焦明以承
旂兮驅天馬而高馳譏羲和於丹水兮誚倒景之亂儀尋
凱風而南暨兮謝太陽於炎離咸溽暑之陶鬱兮子安能
平留斯聞碧雞之長晨兮吾將往乎西游與當作浮鶴於

弱水兮泊舳艫兮中流苟精粹之攸存兮誠沈羽以汎舟
 軼望舒以陵厲兮羌神漂而氣浮詆頑老於金室兮采雋
 聞於前修譏淪陰於危山兮問王母於椒邱觀元鳥之參
 趾兮會根壺之神籌擾龍兔於月窟兮詰姮娥於蓐收爰
 攬轡而旋驅兮訪比竇之倚伏藥增冰而遂濟兮凌固陰
 之所潛探龜蛇於幽穴兮瞰罔象之潛育晒儵忽之躁狂
 兮喪中黃於耳日倂燭範而游衍兮窮大明於比陸攀招
 搖而上躋兮忽蹈廓而凌虛登閭闔而遺眷兮頽元黃於
 地輿召黔雷以先導兮覲天帝於青都觀渾儀以寓日兮
 窮造化之大鑑爰辨惑於上皇兮稽吉凶之元符唐則天
 而民咨兮癸亂常而感虞孔揮涕於西狩兮臧考祥於嬰
 句跖肆暴而保乂兮顏履仁而夙徂何否泰之靡所兮咤
 榮辱之不圖運可期兮不可思道可知兮不可爲求之者

樊榭之者惑信天任命兮理乃自得且以四位爲匠乾
《爲均散而爲物結而爲人陽降陰升一替一興流而爲
川滯而爲陵禍不可禳福不可徵其否兮有豫其泰兮有
數成形兮未察靈像兮已固承明訓以發蒙兮審性命之
靡求將澄神而守一兮奚飄飄而遐游斐陳辭以告退兮
主悖惘而永歎惟升降之不仍兮詠別易而會難願大饗
以致好兮盍息駕於一滄會司儀於有始兮延嘉賓於九
乾陳鈞天之廣樂兮展萬舞之至歡枉矢鑠其在手兮狼
弧剽其斯彎晚翟犬於帝側兮虢熊羆於靈軒爾乃清道
夙蹕載輪修祖班命受號轅軻整旅兆司鬱以屈路兮萬
靈森而陳庭豐隆軒其警衆兮鉤陳帥以屬兵堪輿疎而
進時兮文昌肅以司行抗蚩尤之修旃兮建雄虹之采旌
乘雲車電鞭之扶輿委移兮駕應龍青蚪之容裔陸離俯

游光逸景燦燦微霍兮仰流旌垂旌焱攸攸攸
攝進兮後傑傑而方馳且啓行於重陽兮奄稅駕乎少儀
跨列歟兮闕乾闥揮玉關兮出天門涉漢津兮望崑崙經
赤霄兮臨元根觀品物兮終復魂形已消兮氣猶存眺懸
舟之離離兮懷舊都之藹藹仍繁榮而督引兮將遄降而
速邁華雲依霏而翼衡兮日月炫晃而映蓋蹈烟燼兮辭
天衢心闔翳兮識故居路遂適兮情欣欣奄忽歸兮反常
閭修中和兮崇彝倫大道繇兮味琴書樂自然兮識窮達
澹無思兮心恆娛

成公綏嘯賦

文選

發端妙遠下脉無雜

逸羣公子體奇好異傲世忘榮絕棄人事睢

晉書

高慕占

長想遠思將登箕山以抗節浮滄海以游志於是延友生

集同好精性命之至機研道德之元奧愍流俗之未悟獨
超然而先覺狹世路之阨僻仰天衢而高蹈邈姱晉書作

而遺身乃慷慨而長嘯於時曜靈俄景流光濛汜逍遙攜

手踟蹰晉書作步趾發妙聲於丹脣激哀音於皓齒響抑

揚而潛轉氣衡鬱而標起協黃宮於清角雜商羽於流徵

飄游雲於泰清集長風乎萬里曲既終而響絕遺餘翫而

未已良自然之至音非絲竹之所擬是故聲不假器用不

借物近取諸身役心御氣動脣有曲發口成音觸類感物

因歌隨吟大而不滂晉書作細而不沈清激切於竿笙優潤

和於瑟琴元妙足以通神悟靈精微足以窮幽測深收激

楚之哀荒節北里之奢淫濟洪災於炎旱反亢陽於重陰

唱引晉書作萬變曲用無方和樂怡懌悲傷摧藏時幽散

而將絕中矯厲而慷慨徐婉約而優游紛繁驚而激揚情

既思而能反心雖哀而不傷總八音以至和固極樂而無
荒若乃登高臺以臨遠披文軒而騁望喟仰抃而抗首嘈
長引而慘亮或舒肆而自反或徘徊而復放或母弱而柔
撓或澎湃而奔壯橫鬱鳴而滔洄洄晉書作明繚眺而清邈逸
氣奮涌竊紛交錯列列騰揚啾啾響作奏胡馬之長思向
晉書作遇寒風乎北朔又似鴻雁之將雛羣鳴號乎沙漠故能
日形創聲隨事何云晉書作時按今晉書本亦作事造曲應物無窮機發響
速拂鬱衝流參譚雲屬若離若合將絕復續飛廉鼓於幽
隧猛虎晉書作獸應於中谷南箕動於宮蒼清飈振乎喬木散
滯積而播揚蕩埃藹之溷濁變陰陽之晉書作於至和移淫風
之穢俗若乃游崇岡陵景山臨巖側望流川坐盤石漱清
泉藉皋蘭之猗靡陰修竹之曄娟乃吟詠而發散聲駉騷
晉書作騷而響連舒蓄思之排憤奮久結之纏綿心滌蕩而

無累志離俗而飄然

兩更端於義無常鋪寫處亦近湊

若夫假象金革擬

則陶匏衆聲繁奏若箴若簫礪琅震隱訇礚礚發徵則

隆冬熙蒸騁羽則嚴霜夏凋動商則秋霖春降奏角則谷

風鳴條音均不恆曲無定制行而不流止而不滯隨口吻

而發揚假芳氣而遠逝音要妙而流響聲激曜而清厲信

自然之極麗羌殊尤而絕世越韶夏與咸池何徒取異乎

鄭衛於時餘駒結舌而喪精王豹杜口而失色虞公輟聲

而止歌甯子斂手而歎息鍾期棄琴而改聽孔

晉書作尼父忘

味而不食百獸率舞

晉書作儻

而抃足鳳皇來儀而拊翼乃知

長嘯之奇妙益亦音聲之至極

晉書益亦二字作此字

郭璞江賦

文選。

咨五才之並用實水德之靈長惟岷山之導江初發源乎

濫觴聿經始於洛汭擁萬川乎巴梁衝巫峽以迅激躋江

津而起漲極泓量而海運狀滔天以淼茫總括漢泗兼包
淮湘并吞沅澧汲引沮漳源二分於岨峽流九派乎潯陽
鼓洪濤於赤岸淪餘波乎柴桑網絡羣流商權涓澮表神
委於江都混流宗而東會注五湖以漫漭灌三江而瀚沛
滴汗六州之域經營交景之外所以作限於華裔壯天地
之嶮介呼吸萬里吐納靈潮自然往復或夕或朝激逸勢
以前驅乃鼓怒而作濤峨嶢爲泉陽之揭玉壘作東別之
標衡霍磊落以連鎖巫廬崑崙而比嶠協靈通氣漬薄相
陶流風蒸雷騰虹揚霄出信陽而長邁淙大壑與沃焦若
乃巴東之峽夏后疏鑿絕岸萬丈壁立赧駭虎牙嶮豎以
屹崿荆門闕竦而磬礪圓淵九迴以懸騰溢流雷响而雷
激駭浪暴灑驚波飛薄迅復增澆涌湍疊躍砢巖鼓作崩
清泉潄潄湜澆潄潄潄潄潄潄潄潄潄潄潄潄潄潄潄潄潄

滄溟漚瀆。瀑漫滅盡。湏龍鱗結絡。碧沙遺灑。而往來巨石。
砢礪以前却潛演之所。汨渙奔溜之所。磔錯厓隤爲之泐。
嵒嶠嶺爲之崿。嶸幽澗積岨。砦砢礧礧若乃會潭之府靈。
湖之淵澄澹汪沆。濈汎因注泓沍。涖潞鄰圖憐混潁。顯
渙流映揚焜煥。潏渺涵汗汗沕。泅察之無象。尋之無邊氣。
滃渤以霧杳。時鬱律其如煙類。脈渾之未凝。象太極之構。
天長波浹淩峻湍。崔嵬盤渦谷轉。凌濤山頽陽戾。破礫以
岸起。烘濤碗演而雲迴。沍淪淪懷乍泥。乍堆微如地裂。豁
若天開。觸曲厓以縈繞。駭崩浪而相礪。鼓唇窟以澎湃。乃
溢湧而駕隈魚則江豚海狶叔鮪王鱣鯨鯢鰲魷鯨鯢鯨
鱣或鹿脰象鼻或虎狀龍顏鱗甲鏤錯煥爛錦斑揚鬣掉
尾噴浪飛颯排流呼吸隨波游延或爆采以晃潤或嚇鯢
平巖間介鯨樂濤以出入鰻鰱順時而往還爾其水物怪

錯則有潛鵠魚牛虎蛟釣蛇輪轉翼蠃鱗鱗鼈鼉鼉王珧海
月土肉石華三蠖蚌江鸚螺蛭蝸瑱瑤腹蜃水母目蝦紫
虬如渠洪蚶專車瓊蚌晞曜以瑩珠石砭應節而揚葩蜃
蟪森衰以垂翹元鴈蛸螺而礫礫或泛激於潮波或混淪
乎泥沙若乃龍鯉一角奇鵠九頭有鼈三足有龜六眸楨
螭肺躍而吐璣文毗磬鳴以孕珍倏蠕拂翼而掣耀神蜃
蜃蜃以沈游驛馬騰波以噓蹠水兕雷咆平陽侯淵客築
室於巖底鮫人構館於懸流電布餘糧星離沙鏡青綸競
糾綳組爭映紫菜熒晔以叢被綠苔鬢髻乎研上石帆蒙
龍以葢嶼萍實時出而漂泳其下則金礪丹礫雲精燭銀
瑤瑯璿瑰水碧潛瑤鳴石列於陽渚浮磬肆乎陰濱或頽
彩輕漣或媚耀崖鄰林無不潺岸無不津其羽族也則有
晨鵠天雞鴻鵠鷗鷗歇陽鳥爰翔于以元月千類萬聲自相

喧聒濯灝疏風鼓翅翩翩揮弄灑珠拊拂瀑沫集若霞布
散如雲豁產龍積羽往來勃碣樛杞植薄於潯溪協榦森
嶺而羅峯桃枝篋管貫繫有叢葭葦雲蔓櫻以蘭紅揚皜
眊擢紫茸蔭潭隩被長江繁蔚芳薜隱藹水松涯灌芊蕖
潛蒼葱龍鮫鮓踴於垠隙獮獮眈眈平廡空迅蜺臨虛
以騁巧孤纓登危而雍容夔覬翹跼於夕陽鴛雛弄翮平
山東因岐成渚觸澗開渠漱壑生浦區別作湖磴之以滌
瀦渌之以尾閭標之以翠翫泛之以游菰播匪藝之芒種
挺自然之嘉蔬鱗被菱荷攢布水蓂翹莖漢藻濯穎散裹
隨風猗萎與波潭池流光潛映景炎霞火其旁則有雲夢
雷池彭蠡青草具區洮滈朱渚丹渚極望數百沆瀣晶熒
爰有包山洞庭巴陵地道潛達傍通幽岫窈窕金精玉英
瑱其裏瑤珠怪石琤其表驪蚌摎其址梢雲冠其嶸海童

之所巡游琴高之所靈矯冰夷倚浪以傲睨江妃含嚔而
騰眇撫凌波而鳬躍吸翠霞而天矯若乃宇宙澄寂八風
不翔舟子於是搦掉涉人於是櫟榜漂飛雲運舳舻舳舻
相屬萬里連檣沂洄沿流或漁或商赴交益投幽浪竭南
極窮東荒爾乃緒雰禳於清旭覘五兩之動靜長風颭以
增扇廣莫颭而氣整徐而不颭疾而不猛鼓帆迅越趨漲
截洄凌波縱柁電往杳冥霸如晨霞孤征眇若雲翼絕嶺
儵忽數百千里俄頃飛廉無以喻其蹤渠黃不能企其景
於是蘆人漁子擯落江山衣則羽褐食惟蔬二作素鱸棹殿
爲岑夾淥羅筵簫灑連鋒罨雷比船或揮輪於懸碕或中
瀨而橫旋忽忘夕而宵歸詠採菱以叩舷傲自足於一嘔
出云與尋風波以窮年爾乃域之以盤嚴豁之以洞壑疏
率同之以沱汜鼓之以朝夕川流之所歸湊雲霧之所蒸液珍

怪之所化產瑰奇之所窟宅納隱淪之列真挺異人乎精
魄播靈潤於千里越岱宗之觸石及其詭變儵恍符祥非
一動應無方感事而出經紀天地錯綜人術妙不可盡之
於言事不可窮之於筆若乃岷精垂耀於東井陽侯遞形
乎大波奇和得道而宅神乃協靈爽於湘娥駭黃龍之負
丹識伯禹之仰嗟壯荆飛之摘蛟終成氣乎太阿悍要離
之圖慶在中流而推戈悲靈均之任石歎漁父之櫂歌想
周穆之濟師驅八駿於竈竈感交甫之畧珮愍神使之嬰
羅煥大塊之流形混萬盡於一科保不虧而永固稟元氣
於靈和考川瀆而妙觀實莫著於江河

孫綽遊天台山賦

并序
文選

天台山者蓋山嶽之神秀者也涉海則有方丈蓬萊登陸
則有四明天台皆元聖之所遊化靈僊之所窟宅夫其峻

極之狀嘉祥之美窮山海之環富盡神人之壯麗矣所以
不列於五嶽圖載於常典者豈不以所立冥奧其路幽迴
或倒景於重溟或匿峯於千嶺始經魑魅之塗卒踐無人
之境舉世罕能登陟王者莫由禋祀故事絕於常篇名標
於奇紀然圖象之興豈虛也哉非夫遺世翫道絕粒茹芝
者烏能輕舉而宅之非夫遠寄冥搜篤信通神者何肯遙
想而存之余所以馳神運思晝詠宵興俛仰之間若已再
升者也方解纓絡永托茲嶺不任吟想之至聊奮藻以敬
懷

太虛遂廓而無閼運自然之妙有融而爲川瀆結而爲山
阜陸台嶽之所奇挺實神明之所扶持蔭牛宿以曜峯託
靈越以正基結根彌於華岱直指高於九疑應配天於唐
虞濟峻極於周詩邈彼絕域幽邃竊窺近智以守見而不

之之者以路絕而莫曉。咽夏蟲之疑冰。整輕翻而思矯理。
無隱而不彰。啓三奇以示兆。赤城霞起而建標。瀑布飛流
以界道。觀靈驗而遂徂。忽乎吾之將行。仍羽人於丹邱。尋
不死之福庭。苟台嶺之可攀。亦何羨於層城。釋域中之常
綬。暢超然之高情。被毛褐之森森。振金策之紛紛。披荒榛
之蒙籠。陟峭崿之崢嶸。濟楫溪而直進。落五界而迅征。跨
穹隆之懸磴。臨萬丈之絕冥。踐莓苔之滑石。搏壁立之翠
屏。攬樛木之長蘿。援葛藟之飛莖。雖一冒於垂堂。乃永存
乎長生。必契誠於幽昧。履重險而逾平。既克濟於九折路。
威夷而修通。恣心目之寥朗。任緩步之從容。藉萋萋之纖
草。蔭落落之長松。覲翔鸞之裔裔。聽鳴鳳之嗢嗢。過靈溪
之一澗。疏煩想於心胸。蕩遺塵於旋流。發五葢之遊蒙。追
羲農之絕軌。躋三老之元蹤。陟降信宿。迄於僊都。雙闕雲

束以夾路瓊臺中天而懸居朱閣玲瓏於林間玉堂陰映
於高隅彤雲斐疊以翼樞轂日炯晃於綺疏入桂森挺以
凌霜五芝含秀而晨敷惠風佇芳於陽林醴泉涌溜於陰
渠建木滅景於千尋琪樹璀璨而垂珠王喬控鶴以冲天
應貞飛錫以躡虛騁神變之揮霍忽出有而人無於是遊
覽既周體靜心閒害馬已去世事都捐投刃皆虛日午無
全凝思幽巖朗詠長川爾乃羲和亭午遊氣高褰法鼓琅
以振響衆香馥以揚煙肆觀天宗爰集通僊挹以元王之
膏嗽以華池之泉散以象外之說暢以無生之篇悟遣有
之不盡覺涉無之有閒泯色空以合跡忍卽有而得元釋
二名之同出消一無於三幡念詒樂以終日等寂默於不
言渾萬象以冥觀元同體於自然